



REPUBLIKA E SHQIPERISE
MINISTRIA E FINANCAVE
DREJTORIA E MAKROEKONOMISE

EKONOMIA DHE BUXHETI



ECONOMY AND BUDGET

MARS - MARCH
2006

TIRANE

Raporti Mujor

Mars 2006


Personi i kontaktit: Luiza JANO

PERMBAJTJA

1. VECORITE KRYESORE.....	4
2. TIPARE TË TABELAVE SPECIFIKE.....	6
a. IÇK DHE TREGUES TË TJERË.....	8
b. SEKTORI FISKAL.....	11
c. SEKTORI I JASHEM.....	13
d. SEKTORI MONETAR.....	14
3. TABELAT MBËSHETËSE	
a. Indeksi i Çmimeve të Konsumit	
b. Kursi i këmbimit	
c. Buxheti i konsoliduar	
d. Shpenzimet institucionale	
e. Shpenzimet sipas funksionit	
f. Investimet	
g. Të ardhurat sipas burimeve	
h. Të ardhurat sipas klasifikimit ekonomik	
i. Financimi i defiçitit	
j. Mjete valutore neto	
k. Krediti i brendshëm	
l. Oferta e parasë	
m. Depozitat sipas burimeve	


1. VECORITE KRYESORE :

- ❖ **Indeksi i çmimeve të konsumit** ne muajin Mars 2006, arriti ne 110.3 perqind, duke shenuar nje rritje mujore prej 0.1 përqind, pas rritjes prej 0.4 perqind dhe 0.2 perqind, perkatesisht ne muajt shkurt dhe janar. Norma vjetore e inflacionit, per muajin Mars ishte 1.5 perqind, duke qendruar brenda objektivit te Bankese se Shqiperise, prej 2 – 4 perqind.



- ❖ **Kursi mesatar i kembimit** te monedhes vendase me dy monedhat kryesore te huaja, per muajin Mars 2006, ishte:

- 102.06 leke per dollare
- 122.69 leke per euro




Ne muajin Mars, monedha vendase, rezultoi me nje nencmim kundrejt monedhes europiane, Euros dhe me nje mbicmim kundrejt dollarit amerikan. Sjellja e monedhes sone ne tregun vendas eshte reflektimi i sjelljes se dy monedhave ne tregjet nderkombetare monetare si dhe i nderhyrjeve ne treg nga ana e Bankes se Shqiperise.

- ❖ Gjate muajit Mars 2006, **normat e interesit te depozitave** 12-mujore ne leke, kane pesuar nje renie te lehte ne vlere absolute prej 0.06 perqind krahasuar me muajin Shkurt, ku normat e interesit ishin 5.34 perqind. Ne muajin mars 2006 normat e interesit te depozitave 12-mujore ne leke arriten koten e 5.28 perqind.

Rritje te lehte per kete muaj kane pesuar depozitat me afat 6-mujor, te krahasuara me nje muaj me pare (Shkurt '06) me 0.09 perqind, ndersa normat me afat 3-mujor, pesuan nje renie me 0.32 perqind. Renie prej 0.40 perqind kane pesuar normat per depozitat me afat 24-mujor, te cilat arriten nivelin e 5.97 perqind.

Krahasuar me te njejten periudhe te nje viti me pare, renien me te larte vjetore e kane patur normat e interesit te depozitave 12-mujore dhe 3-mujore, respektivisht me rreth 0.16 perqind dhe 0.20 perqind.



Depozitat ne Euro kane shfaqur tendenca rritese per muajin Mars, ndersa ato ne USD kane pesuar ulje per kete muaj.

❖ **Situata buxhetore**

Ne fund te muajit Mars 2006, situata buxhetore, paraqitet si vijon:

1. **Deficiti i pergjithshem** buxhetor arriti ne rreth +10.31 miliarde leke, ose rreth -28.13 perqind e deficitit buxhetor per vitin 2006.
2. **Te ardhurat gjithsej** arriten ne rreth 52.96 miliarde leke ose rreth 23.89 perqind e programit vjetor 2006.
3. **Shpenzimet buxhetore** arriten ne rreth 42.66 miliarde leke, ose rreth 16.51 perqind e totalit te shpenzimeve buxhetore te planifikuara per gjithë vitin 2006.

- ❖ **Deficiti i pergjithshem** arriti ne +10.31 miliarde leke nga 1.11 miliarde leke te parashikuar per kete periudhe 3-mujore, duke tejkaluar kufijte e parashikuar.

- ❖ **Të ardhurat gjithsej**

Megjithëse shpenzimet totale ishin rreth 16.51 përqind e buxhetit vjetor, **shpenzimet korrente** arriten në rreth 39.453 miliardë lekë ose rreth 19.24 përqind e programimit vjetor, pjesërisht si rezultat i shpenzimeve të larta në pagesat e interesit me rreth 21.21 përqind të buxhetit vjetor, të shpenzimeve për sigurimet sociale me rreth 22.64 përqind e buxhetit vjetor dhe i shpenzimeve operative dhe të mirëmbajtjes me rreth 14.60 përqind e buxhetit vjetor.

❖ **Bilanci i pagesave**

Bilanci i pagesave për tremujorin e katër 2005, rezultoi me një sufiçit të përgjithshëm prej 95.2 milion dollarë. Kjo ishte rezultat i një:

- deficieti të Llogarisë Korrente, prej rreth 274.8 milion dollarë;
- sufiçiti të Llogarisë së Kapitalit, prej rreth 28.6 milion dollarë;
- sufiçiti të Llogarisë Financiare, prej rreth 228.6 milion dollarë;
- bilanci pozitiv në “Gabime dhe harresa neto” prej rreth 112.8 milion dollarë.

Komponentet kryesore të deficietit të **Llogarisë Korrente** prej 274.8 milion dollarë ishin një:


- bilanci tregtar negativ prej 539.9 milion dollarë;
- deficieti prej 83.3 milion dollarë në bilanci të shërbimeve;
- sufiçiti prej 45.7 milion dollarë në bilanci të ardhurave;
- sufiçiti prej 302.7 milion dollarë në transfertat/ të ardhurat nga emigrantët.

Në **baze kumulative**, bilanci i pagesave për vitin 2005, rezultoi me sufiçit të përgjithshëm, prej 151.4 milionë dollarë.


Komponentët kryesorë ishin:

- deficieti prej 557.3 milionë dollarë, në llogarinë korrente,
- sufiçiti prej 123.8 milionë dollarë në llogarinë kapitale,
- sufiçiti prej 385.6 milionë dollarë në llogarinë financiare,
- bilanci pozitiv i gabimeve dhe harresave neto prej 189.3 milionë dollarë.

- ❖ **Oferta totale e parase**, e matur nga M3 arriti në 580 miliardë lekë në fund të muajit Mars, duke shënuar një rritje prej rreth 11 përqind, krahasuar me të njëjten periudhë të një viti më parë.



Kjo rritje vjetore, erdhi si pasojë e rritjes së **depozitave pa afat** në lekë me rreth 98 përqind, depozitave në valute me rreth 24 përqind, uljes së depozitave me afat në lekë me rreth 9 përqind dhe rritjes të parase jashtë sistemit me rreth 6 përqind.



Ndikimin kryesor në rritjen e ofertes monetare gjatë muajit Mars e kanë patur rritja e depozitave pa afat në lekë, të cilat vetëm gjatë këtij muaji u rritën me rreth 0.3 miliardë lekë. Depozitat me afat në lekë pësuan një rritje të konsiderueshme prej rreth 8.4 miliardë lekë këtë muaj, ndërsa depozitat në valute pësuan një rritje të theksuar për këtë muaj me rreth 11.0 miliardë lekë.

2. TIPARE TE TABELAVE SPECIFIKE:

a. Indeksi i Çmimeve te Konsumit dhe tregues të tjerë:

Indeksi i Çmimeve te Konsumit

Indeksi i Çmimeve te Konsumit, per muajin Mars '06 pesoi nje rritje prej 0.1 perqind, krahasuar me muajt Shkurt dhe Janar, kur ky indeks ishte perkatesisht 0.4 perqind dhe 0.2 perqind. Ndryshimet respektive ne te njejtet muaj te nje viti me pare ishin 0.0 perqind, 0.4 perqind dhe 0.8 perqind.

Rritja prej 0.1 perqind e indeksit te çmimeve te konsumit per muajin Mars erdhi kryesisht si rezultat i rritjes se indeksit te çmimeve te grupit “Shendetit” me 1.5 perqind, rritje e cila u shkaktua si rezultat i rritjes se çmimeve per disa medikamente mjeksore, nder te cilat mund te permendim rritjen e çmimit per qetesuesit me 7.6 perqind, vitaminave me 3.5 perqind dhe antibiotik krahasuar e pucet me 5.1 perqind. Ndryshimet respektive ne te njejtet muaj te nje viti me pare ishin 0.0 perqind, 0.4 perqind dhe 0.8 perqind.

Kursi mesatar i këmbimit


Kursi mesatar i këmbimit të lekut me dollarin amerikan, gjatë muajit mars shënoi një rënie prej 0.5 përqind kundrejt muajit shkurt 2006. Në fund të muajit mars, dollari amerikan arriti nivelin 101.53 leke/dollare.

Kursi mesatar i këmbimit të lekut kundrejt dollarit amerikan në muajin Mars 2006, arriti në 102.06 leke/dollare.

Kursi mesatar i këmbimit të lekut kundrejt Euros në muajin Mars 2006, arriti në 122.69 Leke/Euro, duke shënuar një rritje të lehtë prej 0.1 përqind krahasuar me një muaj më parë. Në fund të muajit Mars një euro u këmbë me 122.95 leke.

Gjatë këtij muaji u konstatua nencmim i lehtë i lekut kundrejt Euros prej rreth 0.1 përqind dhe mbicmim kundrejt dollarit amerikan prej rreth 0.5 përqind.

Në krahasim me muajin Mars të vitit të kaluar rezultoi se monedha shqiptare është zhvlerësuar ndaj dollarit amerikan në masën 6.5 përqind dhe është vlerësuar kundrejt monedhës europiane, Euro me 3.0 përqind.




Nencmimi i lekut, kundrejt monedhës europiane Euro dhe mbicmimi kundrejt monedhës amerikane, në rrjedhë të parë është i lidhur me ecurinë e tyre në tregjet monetare ndërkombëtare, duke reflektuar sjelljen e tyre në tregun e brendshëm monetar. Kursi i këmbimit të euros me dollarin amerikan pësoi një rritje mesatare të lehtë duke arritur në rreth 1.202 dollare/euro.

Ndër faktorët e brendshëm që kanë ndikuar në ecurinë e monedhës vendase gjatë muajit mars përmendim: normën reale të interesave në leke më të lartë se normat në valute, rritja e besimit të publikut në sistemin financiar dhe e biznesit tek monedha vendase situata e konsoliduar makroekonomike, etj.

Interesi i huave 12-mujore gjate muajit mars pesoi nje rritje prej 0.34 perqind, duke arritur ne 13.86 perqind nga 13.52 perqind qe ishte ne muajin shkurt. Rritje per kete muaj pesoi edhe norma per interesin e huave 6-mujore me 0.52 perqind, krahasuar me nje muaj me pare. Interesi i huave 6-mujore per muajin mars arriti ne 13.53 perqind.

Ecuria e Normave te Interesit te Huave dhe Bonove e Thesarit



Normat e interesit te bonove te thesarit gjate muajit mars 2006, per bonot me maturim 12 mujor, 6 mujor dhe 3 mujor, ishin perkatesisht, 6.30 perqind, 5.93 perqind dhe 5.13 perqind. Edhe gjate ketij muaji ashtu si ne muajin paraardhes, normat e interesit te bonove te thesarti ndoqen nje trend renes, si rezultat i permiresimit te gjendjes se likuiditeteve ne treg, nivelit te ulet te inflacionit, qe ka ndikuar ne uljen e metejshme te yield-eve, duke u kthyer ne nivelet e meparshme te periudhes parazgjedhore.

b. Sektori Fiskal

Buxheti i Konsoliduar

Ne fund te muajit Mars, jane mbledhur rreth 52.969 miliarde leke te ardhura, perkundrejt shpenzimeve te pergjithshme prej 42.664 miliarde leke, qe perfshijne 39.453 miliarde leke ne shpenzime korente dhe 3.211 miliarde leke shpenzime kapitale.

Si rrjedhim, deficitit ishte ne nivelin e +10.30 miliarde leke.

Mbledhja e te ardhurave perben rreth 23.89% te te ardhurave buxhetore per vitin 2006, ndersa shpenzimet perbejne 16.51% te buxhetit te planifikuar.

Shpenzimet korente janë rreth 19.24% e planifikimit vjetor, ndërsa shpenzimet kapitale janë rreth 6.94% e këtij planifikimi.

Nga të ardhurat gjithsej, pjesa e të ardhurave të mbledhura nga Drejtoria e Përgjithshme të Tatimeve dhe Doganave është rreth 34.788 miliardë lekë (ose rreth 23.94% e të ardhurave vjetore të planifikuara), të ardhurat e mbledhura nga pushteti vendor 2.992 miliardë lekë (26.67% e të ardhurave vjetore të planifikuara), kontributet e sigurimeve shoqërore dhe shëndetësore 9.49 miliardë lekë (23.71% e të ardhurave vjetore të planifikuara), dhe të ardhurat jo-tatimore në nivelin e 4.52 miliardë lekë (27.35% e të ardhurave vjetore të planifikuara).

Nga totali i shpenzimeve korente prej 39.453 miliardë lekë, 12.016 miliardë lekë (30 %) është shpenzuar për personelin, 6.405 miliardë lekë (16%) për interesat, 3.11 miliardë lekë (8%) për shpenzime operative dhe mirëmbajtje, 0.485 miliardë lekë (1%) për subvencione, 13.385 miliardë lekë (34%) për shpenzimet e sigurimeve shoqërore dhe shëndetësore dhe 2.429 miliardë lekë (6%) për shpenzimet e qeverisjes vendore dhe 1.620 miliardë lekë (4%) për shpenzimet e tjera.

Keto përfaqësojnë 20.47% (shpenzime personeli), 21.21% (shpenzime për interesat), 14.60% (shpenzime operative dhe të mirëmbajtjes), 19.05% (subvencione), 22.64% (sigurimet shoqërore dhe shëndetësore), 11.39% dhe 14.04% (për shpenzimet e qeverisjes vendore dhe shpenzimet e tjera) përkundërt buxhetit të planifikuar vjetor.

Shpenzimet kapitale arrijnë në rreth 3.211 miliardë lekë nga të cilat 62% financim i brendshëm, dhe 38% financim i huaj.

Shpenzimet kapitale me financim të brendshëm llogariten për këtë periudhë në rreth 8.42% të buxhetit të parashikuar vjetor, ndërsa financimi i huaj është vetëm 5.39%.

Suficiti prej 10.305 miliardë lekë është i barabartë me -28.13% të deficitit buxhetor për 2006.

Të ardhurat sipas Burimeve / Klasifikimit Ekonomik

Të ardhurat gjithsej arrijnë në fund të muajit Mars 2006 në rreth 52.969 miliardë lekë, nga të cilat të ardhurat tatimore në rreth 47.270 miliardë, grantet 1.178 miliardë dhe të ardhurat jo-tatimore në rreth 4.522 miliardë;

Nga totali i të ardhurave tatimore, rreth 34.788 miliardë lekë janë mbledhur nga administrata e doganave dhe e tatimeve, 2.992 miliardë lekë të ardhura nga pushteti lokal dhe 9.490 miliarde leke nga kontributet e sigurimeve shoqerore dhe shendetesore;

Nga të ardhurat totale të mbledhura deri në fund të Marsit:

□ TVSH përbënte	15.651 miliardë lekë
□ Tatimi mbi fitimin	6.057 miliardë lekë
□ Taksa doganore	3.357 miliardë lekë
□ Taksat nacionale	3.184 miliardë lekë
□ Akcizat	4.607 miliardë lekë
□ Transferim fitimi nga Banka e Shqipërisë	0.777 miliardë lekë;

Financimi i Deficitit

Suficiti prej 10.305 miliardë lekë, ne fund te Marsit, ishte 89 përqind me financim të brendshëm dhe 11 përqind me financim të huaj. Emetimi i bonove të thesarit ishte mjeti kryesor i financimit të brendshëm, ndersa per financimin e huaj ishin huatë afatgjata.


c. Sektori i Jashtëm

Bilanci i Pagesave


Tiparet kryesore të bilancit të pagesave për periudhen Janar - Dhjetor 2005 ishin:

Nje sufiçit i pergjithshem ne bilancin e pergjithshem, prej 151.4 milion dollare, rezultat ky i nje:

- defičiti te Llogarise Korente, prej 557.3 milion dollare;
- suficit te Llogarise Kapitale, prej 123.8 milion dollare;
- sufiçit te Llogarise Financiare, prej 386.5 milion dollare;
- bilanci pozitiv ne Gabime dhe Harresa neto“ prej 189.3 milion dollare;



Komponentet krye te defçitit te Llogarise Korente prej 557.3 milion dollarë ishin nje:



- bilanc tregtar negativ prej 1,826.9 milion dollarë;
- deficit prej 207.1 milion dollarë ne bilancin e sherbimeve ;
- suficit prej 178.7 milion dollarë ne bilancin e te ardhurave ;
- suficit prej 1,298.2 milion dollarë levizjet e transfertave dhe dergesave.


Zërat kryesorë në flukset pozitive në llogarinë kapitale dhe llogarine financiare përfshijnë:

- flukset pozitive të investimeve direkte prej 295.4 milionë dollarë;
- flukset negative të investime portofoli prej 6.8 milionë dollarë;
- flukset pozitive të kapitaleve të tjera prej 131.0 milionë dollarë;

d. Sektori Monetar

Mjetet Valutore Neto te sistemit bankar

Gjate muajit Mars 2006, sistemi bankar ka shenuar rritje te mjeteve valutore neto, ne rreth 17.5 miliarde leke krahasuar me te njejten periudhe te nje viti me pare.



Kjo rritje ka ardhur si pasojë e rritjes së mjeteve valutore neto në Bankën e Shqipërisë, me 19 miliarde leke dhe rënies së mjeteve valutore neto të bankave të nivelit të dytë, me rreth 1.0 miliarde leke.

Në muajin Mars sistemi bankar rezultoi me një rënie prej 1.9 miliarde leke në mjetet valutore neto, krahasuar me një muaj më parë (shkurt '06), rënie e cila erdhi si rezultat i rënies së mjeteve valutore neto të bankave të nivelit të dytë me rreth 2.6 miliarde leke, si dhe rritjes së mjeteve valutore neto në Bankën e Shqipërisë, me 0.73 miliarde leke.

Kredia për ekonomine

Tëprica e kredise për ekonomine në fund të muajit Mars 2006 arriti në 134.5 miliarde leke. Rritja e tëpricës së kredise, krahasuar me një vit më parë shënoi vlerën 58.6 miliardë leke, me një rritje prej rreth 77 për qind. Kredia e akorduar nga sistemi bankar edhe gjatë fillimit të vitit 2006, ka qenë në rritje, duke vazhduar kështu trendin pozitiv të nisur që në vitin 2005.

Nga struktura e tëpricës së kredise sipas monedhave vazhdon të mbizotërohet nga kredia në valute, duke përbërë rreth 74 përqind të totalit të tëpricës së kredise.


Kete muaj u vu re qe pesha specifike e kredive per individet, pesoi nje rritje te lehte prej 0.2 perqind, duke arritur ne nivelin 31.8 perqind.

Oferta e Parasë

Oferta e parasë (e matur me M3), per muajin mars ka shenur nje rritje te lehte prej 0.02 perqind, karahasuar me nje muaj me pare. Kjo oferte arriti ne rreth 580 miliardë lekë në fund të muajit mars duke shenuar nje rritje te konsiderueshme prej 2.3 miliarde leke kundrejt nivelit te rregjistruar ne muajin dhjetor 2005. Rritja vjetore e ketij treguesi ishte 11 perqind, duke pesuar ulje te ketij ritmi krahasuar me 18.3 perqind qe ishte gjate muajit qershor 2005. Ngadalësimi i ritmit të ofertës monetare është reflektuar kryesisht në preferenca e individeve per te investuar ne bono thesari, gje qe ka cuar ne uljen e depozitave ne leke.

Niveli i parase jashte bankave eshte rritur me 7.8 miliarde leke ne krahasim me muajin mars 2005, por duhet theksuar fakti qe eshte ulur me rreth 1.8 miliarde leke krahasuar me muajin shkurt 2006. Rritja vjetore e ketij treguesi ishte 6 perqind.


Raporte te parase jashte bankave



Raporti i parase jashte bankave ndaj ofertes monetare, ne fund te muajit mars arriti ne 23.7 perqind duke shenuar nje renie prej 0.3 perqind ne krahasim me muajin shkurt 2006. Raporti i parase jashte bankave me depozitat ne muajin mars arriti ne rreth 31.0 perqind duke pesuar nje renie mujore prej 0.5 perqind ne krahasim me muajin shkurt '06.

Depozitat ne leke, si perberesi kryesor i ofertes monetare, kane pesuar nje rritje prej 0.8 miliarde leke ne krahasim me muajin shkurt 2006. Rritje prej rreth 1.1 miliarde leke ne krahasim me muajin shkurt 2006 pesuan edhe depozitat ne valute. Norma vjetore e rritjes se tyre ne fund te muajit mars arriti ne 24 perqind nga 26 perqind qe ishte ne fund te muajit shkurt.

Raporti Depozita/M3




Rritja e depozitave në valutë gjatë muajit shkurt është mbështetur kryesisht nga rritja e depozitave të sektorit privat, të cilat kanë përbërë rreth 76 përqind të rritjes së depozitave totale në valutë.

Depozitat sipas Burimeve

Gjate muajit mars 2006:

- Sektori i individeve, zuri nivelin me te larte te depozitave pa afat ne leke me rreth 66 perqind, ndjekur nga sektori privat, me rreth 21.5 perqind dhe nga ndermarrjet publike jofinanciare, me 8.6 perqind.
- Individet dhe sektori privat ishin gjithashtu burimi me i rëndësishëm i depozitave në monedhe të huaj, perkatesisht me rreth 76 perqind dhe rreth 18 perqind.
- Familjarët ishin dukshëm burimi me i rëndësishëm i depozitave me afat në lekë
- (96 përqind e totalit)

Kontribiti i sektoreve ne totalin e depozitave mars 2006



- Në përgjithësi, familjarët përbëjnë pjesën më të madhe (rreth 84 përqind) të depozitave totale prej rreth 442 miliardë lekë në muajin mars 2006. Ata ndiqen nga sektori privat (11 përqind), ndërmarrjet publike jo-financiare (3.39 përqind) dhe autoritetet lokale (0.72 përqind). Institucionet financiare kontribuan me rreth 0.82 përqind në totalin e depozitave.

➤ Gjatë muajit mars 2006, krahasuar me një muaj më parë, niveli i përgjithshëm i depozitave u rrit dukshëm me 1.5 miliardë lekë, si rezultat i rritjes së depozitave pa afat në lekë (0.3 miliard lekë), depozitave në monedhe të huaja (0.6 miliard lekë) dhe depozitave me afat në lekë (me rreth 0.8 miliardë lekë).

➤ Depozitat pa afat në lekë të familjeve, pesuan një rritje të konsiderueshme prej rreth 1.5 miliard lekë, ndërsa depozitat me afat në lekë të familjeve pesuan një rritje, prej rreth 0.3 miliard lekë.